

41523/P

5006

ORDINIS MEDICORVM

IN

VNIVERSITATE LIPSICA

H. T.

PROCANCELLARIVS

D. ANTONIVS GVILIELMVS PLAZ

THERAP. P. P. O. FACVLT. MED. DECANVS ACAD. ET NATION.

SAXON. SENIOR DECEMVIR MAIOR. PRINCIP. COLL.

COLLEGA ACAD. IMPERIAL. NATVR. CVRIOS.

SOCIVS, ACAD. H. T. RECTOR,

PANEGYRIN MEDICAM

AD D. XVII. SEPT. A. R. G. MDCCLXXIX.

I N D I C I T

DE MAGNETISMO ET ELECTRICITATE FASCINI

EXPERTE

P R A E F A T V S.

CLAVDIANVS in epigramm.

*lapis est, cognomine magnes,
ex ferro meruit vitam, ferrique rigore
vescitur.*



Maximae utique seculis nostris cedit laudi, quod in omnibus scientiis amplificandis incredibili laboratum fuerit industria, maximopere tamen historiae naturalis studium ita nunc ex-cultum fuisse, atque complurimorum adhuc exercere inge-nia, ut nihil propemodum ipsius perfectioni addi posse vi-deatur, tot tantaque testantur de plantis, mineralibus, in-sectis, animalium omni genere, aliisque corporibus natu-ralibus, mira cum sagacitate exploratis edita scripta, ipso-rum cognitioni pariter ac vsui haud exiguam lucem affun-dentia. Neque tamen existimare conueniet, antiquiorum tem-porum claros viros hac in re negligentiae cuiusdam esse accu-sandos, cum potius laudatissimam ipsorum, in cunctis natu-rae productis sollicite lustrandis, quin etiam vtcunque co-ordinandis, haud quaquam defuisse contentionem, innu-mera ipsorum loquantur conamina, posteritati relictâ, cui tamen plenioris disquisitionis palma tanto minus videtur deneganda, quanto curatiore methodo atque tutiore via, in systematibus corporum naturalium condendis ingressos

IV

fuisse sequiorum temporum indagatores, ipse exoptatus edocuit euentus, omnium applausu honoratus, dum per observationes, comparationes, characterum essentialium cum accidentalibus collationem, similiaque tentamina, sine suo tandem potiri, atque non solum obiectorum omnium ordines, classes, genera et species, apte consociare, verum etiam, quicquid ad ipsorum usum, causis suis quantum licuit adaptandum pertinet, scrutari studuerunt. Vnicum exempli loco sit mirum illud magnetismi atque electricae virtutis phaenomenon, cui adeo stupendae debentur vires, ut ignaris fascini propemodum quid subesse videatur, quod solis nihilo fecius naturae potentiis tribuendum esse, peritiores haud fugit. Non heri demum, aut nudius tertius, magnes atque magnetica vis innotuerunt; PLINIVS et GALENVS, aliique veterum, non solum magnetis mentionem fecerunt, verum etiam virtutem ipsius, ferrum ad se rapiendi, quin medicamentosam etiam commemorauerunt *), subinde tamen multa fabulosa atque veritati parum conuenientia de ipso fingunt, dum v. c. alli succus, lapidi huic illitus, aut adamas ipsi proxime appositus, virtutem ipsius infringere dictus fuit. Ante haec vero quinque circiter secula, motus magnetis versus borealem et australem regionem directus, ut novum inventum, vel certe post tot tempora renouatum, plurimorum sollicitavit industriam, in causis peculiaris huius directionis explorandis atque detegendis admodum assiduam, quorum tamen virorum varias sententias hic neque enumerare neque disquirere constitutum est, cum non de magnetis

*) GALENVS de simplic. medicamentor. facultat. Libr. IX.

tis et pyxidis nauticae origine agendum sit *), sed saltem paucissimis ineptae illorum refutandae sint opiniones, qui nescio cui fascino aut incantatoriae virtuti, miros per magnetismum productos effectus tribuendos esse, sibi persuadent. Dum nempe arthritici affectus, paralyfes, capitis dolores, spasmi, aliaque, genus nervosum praesertim affligentia mala, sola magnetis applicatione curata fuerunt, mirabilia haec non sine incantatione atque magicis artibus perfici posse, facili nimium credulitate, semper ignorantiae atque infirmi iudicii teste, existimatum fuit. Incantationis autem notio, latioris, quod neminem latet, est significatioois, neque de solis cantibus et carminibus, quilibus antiqua superstitio utebatur, valet, quin etiam de magia, *Φαγανεια*, fascino et veneficiis praedicatur. Quod si vera incantationis tradenda sit idea, ad illicitas referenda erit artes, quarum ope, additis imprecationum et cantuum peregrinorum formulis, characterum insolitorum signis, idque genus terriculamentis, inexpectati effectus, in perniciem et salutem tam hominum quam animalium produci tentantur; quo simili latiore sensu, magia ut plurimum sumitur, nunc vero, cum vanae istae opiniones maximam partem cessauerint, magia ista merito contemtilis habetur; naturalis vero, ad scientias nobilissimas, atque artes praestantissimas, varia mira phaenomena, solius naturae ope producendi, omni iure refertur, atque ad do-

A 3

ctrinam

*) Plura de hoc argumento, ex GILBERTI tractatu *de magnere*, Sedinii 1628. edito, peti poterunt, nec non quae de inuento pyxidibus nauticae, Sinensibus tribuendo, atque XI. ante Christum natum seculis iam noto, habentur in *dem allgemeinen Magazin der Natur, Kunst, und Wissenschaften*, 3. Theil, 8. Stück, Leipzig 1754. pag. 140. sequ.

Strinam physicam illustrandam quam maxime pertinet, ex qua constat, abstrusas subinde in nonnullis corporibus latere virtutes, quoad suam quidem essentiam atque agendi modum saepe incognitas, effectibus tamen suis, aut casu detectis, aut artis ope, absque vllis magicis praesidiis provocatis, manifestissimas. Simillima igitur est ratio virtutis magneticae, quae, etiamsi non in sola martialium corporum attractione, atque versus polos oppositos directione consistat, verum etiam aliis non minus praestantibus vfi-bus, non ita facile declarandis emineat, neutiquam tamen ad praeternaturales aut supranaturales apparitiones referenda est. Cum enim hoc certum sit, incredibilem esse magneti in durissimam ferri et chalybis substantiam penetrandi potentiam, quidni in longe molliores atque minore renisu praeditas aliorum corporum partes, magnetica effluvia irrepere, ibidem euolui, atque notabili mutationi producendae apta censerì poterunt? Etiamsi enim haec efficacia, ex theoreticis de magnete principiis parum verosimili cum probabilitate comprobari queat, cum non omnia corpora metallica ab ipsius penetrabilitate afficiantur; per experientiam nihilo secius innotuit, magnetem artificialem, qui a nativo haud differt, variis inexpectatis mutationibus aptum extitisse. Nolim quidem omnibus, quae de magnetica morborum curatione publicatae prostant relationibus, plenam largiri fidem *), hoc tamen probatissimorum virorum constitit autoritate, non semper frustra neam in variis morbis neruinis, dolorosis et spasticis, magnetis fuisse applicationem. Ipse ego, magnetis non sine
exoptato

*) Confer: *Sammlung der neuesten gedruckten und geschriebenen Nachrichten von Magnet-Curen. Leipzig 1778.*

exoptato successu adhibiti, oculatus aliquando fui testis. Diuturnioribus atque vehementissimis affligebatur dentium doloribus nobilissima quaedam matrona, cui, post varia, a variis consultoribus et consultricibus commendata, in casum tamen adhibita remedia, per iocum saltem suadebam, ut magneticam virtutem, in hoc affectu quoque insigniter celebratam, experiretur, cum, nisi tentamen hoc profuturum sit, ne minimum tamen damnum inde extimescendum esse pollicerer. Adnuebat persuasioni, accerso magnetem artificialem pedis longitudine, denti dolenti admovendum, neque tamen, quod nonnulli quam maxime cupiunt, opus esse dicebam, ut versus borealem regionem stare; admouetur magnes, non sine repentina dolorum exacerbatione, atque frigoris per totum dentem diffusi acutissimo sensu, spem boni successus maxime dubiam red-dente, post paucula tamen minuta disparente, quibus elapsis, tuberculum quoddam in dentis vicinia comparebat, quo in abscessum mutato, omne malum sanatum fuit. An penetrabilitati effluuiorum magneticorum, neruulum ad dentem decurrentem afficientium, an vero magnetis frigori hic euentus gratus sit habendus, dubium videri poterit, cum non ignotum sit, aquam frigidissimam, nitro etiam acuatam, ore detentam, atque aliquoties, cum incaluerit, renouatam, doloribus dentium sopiendis quandoque profuisse; quicquid vero eorum sit, nullis profecto opus fuit praestigiis, sola hic naturalis, quaecunque demum fuerit, egit causa, neque hinc opus erit, tales euentus portentosorum vaniloquiorum exornare ampullis, cum simplicissima potius naturalium causarum agendi ratio, haud quaquam obscura sit.

Parum quidem a magnetismo electricae virtutis differre videtur potentia, cum, quicquid per magnetismum praestari potest, etiam per electricitatem produci posse, communibus physicorum asseritur suffragiis, quoniam ex horum sententia, eadem communis causa, aetheris nimirum centripeti et centrifugi inter se conflictantis, concurrat; esse tamen etiam perquam multa, solius electricitatis ope producenda phaenomena, quae per magnetismum haud obtineri possint, haud diffitentur, adeo, ut electricitati praestantior utique prae magnetismo tribuenda sit efficacia, cuius quoque diuersitatis haud obscura sunt argumenta, electricitatis eminentiorem prae magnetismo virtutem comprobantia. Nulla nimirum opus est arte, qua magnetis virtus, utpote ipsi innata, atque perpetim inharens, actuosa reddatur, semper potius praesens, semper ad agendum promptissima, mitissima tamen. Electricitatis vero virtutem, potentioribus laboribus suscitandam esse, nemo ignorat, quandoquidem mechanicae artis hic concurrat oportet adiutorium, attritus nempe, atque vehementior vorticum aethereorum, in rapidissimum motum adigendorum euolutio; est praeterea magneti sola directio polaris data, electricitas vero omnia corpora, sub qualibet directione afficit, cum calore, luce, disputatione, atque potentia flammam suscitandi coniuncta; impetuosius praeterea, atque non sine periculo quandoque agit, indeque maiore omnino efficacia pollere deprehenditur, qua ad maxime reconditos corporum recessus penetrando, ipsa concutit, dissolvit, imo plane destruit. Ipsa, quae ab illis, qui electricitatis virtutem in se experti fuerunt, dolorosa sensatio, totius corporis contremiscentia, atque convulsiua propemodum commotio, tam repentinam, quam subti-

subtilissimam ipsius testantur penetrabilitatem, tanta non raro cum vehementia agentem, ut, quod haud paucis constitit exemplis, subitaneae quoque mortis causa extiterit. Indeque facili cognosci poterit negotio, qui fiat, quod in paralyticis, rheumaticis, soporosis, similibusque affectibus, nervosum genus praesertim affligentibus, in quibus excitantia, stimulantia, roborantia, neruina, tam interna quam externa, frustraneo conamine affatim adhibita fuerunt, ad electricam vim, tanquam ultimum atque efficacissimum creditum praesidium confugi soleat, cum per tentamina haud pauca intellectum fuerit, vix potentiori modo in systema nervosum agi, atque segniorum humorum viuacitatem et motum suscitari posse, nisi cum volubillimi electrici vortices, prudente directione ad partis affectae intimos recessus adacti fuerint, quandoquidem sensilitatem atque mobilitatem aegrorum artuum hac ratione restitutam fuisse, ex practicis observationibus, miram huius medendi methodi eminentiam commendantibus innotuit, adeo, ut non semper pretiosissimis atque potentissimis medicaminibus, ex pharmaceutico aut chirurgico apparatu petitis, opus sit, cum simplicissimo hoc artificio, omnibus aliis superiore, exoptatissimus impetrari possit effectus, non magicis praestigiis aut portentosis ritibus adscribendus, quin soli potius naturae, atque ipsius viribus, a medico recte cognitis, atque circumspecte administratis, in acceptis ferendus.

Harum quoque naturalium virium industrium se hactenus fuisse exploratorem, atque circumspectum in posterum futurum administratorem, compluribus speciminibus Ordini nostro datis edocuit, qui commendandus nunc est

V I R
 CLARISSIMVS ATQVE DOCTISSIMVS
 DOMINVS
 CAROLVS IOACHIMVS
 PFOTENHAVER

MEDICINAE BACCALAVREVS DIGNISSIMVS,

quem in omnibus medicinae disciplinis assidue addiscendis, laudatissimam ita posuisse testamur operam, vt nunc, cum publicae quoque rei vtilis esse constituerit, optima quaeque de ipsius doctrina atque prudentia sperare conueniat. Quibus vero ducibus atque magistris gratum habendum fit, quod in omni literarum genere, atque medicae quoque artis studio egregie profecerit, ex vitae ipsius ratione, de qua ipse scripsit, intelligetur.

Natus sum Wittebergae, die XVI. Iulii, anno huius seculi LVI. patre *Ioanne Georgio*, SS. Theologiae Licentiato et Diacono secundo ad aedes Sophiae dictas eiusdem ciuitatis, quem vero, mihi adhuc infanti, praematura morte ereptum, adhuc lugeo; matre *Friderica Concordia*, ex gente *Reinhardia*, cuius insignem amorem, indefessamque curam in procuranda mea futura felicitate, vt hic publice

blice iustis extollam laudibus, pietatis officium duxi. Nec possum non grata recolere memoria nunc quoque beatum Auum *Christianum Fridericum Reinhardtum* Principi Elect. Sax. a Consiliis Commissionum et Quaesturae *Seydensi* ultra quinquaginta annos praefectum: auiamque *Sophiam Concordiam Loeckeliam*. Horum parentum coniuncto studio debeo hoc, ut non solum religionis principiis et moribus imbutus sim purioribus atque ingenuis, sed etiam literarum elementis instructus. Dum enim Seydae versarer, me institutioni atque disciplinae Doctissimorum Praeceptorum *Noebelii, Arnoldi*, atque *Wirthgenii* optime de me meritum tradiderunt. Deinde partem educationis meae in se suscepit, Vir summa pietate mihi semper deuenerandus Magnus atque Experientissimus *LANGGUTH*, meque secum Wittebergam duxit, qui me, una cum Coniuge dilectissima mihi que multis nominibus suspicienda, singulari et vere paterno amore amplexus, priuatis *Mülleri*; priuatissimisque Excellentiss. ac Praenobiliss. Virorum *Hilleri, Geyseri* et *Schützi* institutionibus commisit. Ibi cum per quatuor annos essem commoratus, clementia atque indulgentia Serenissimi Principis, scholam illustrem prouincialem Grimensem petii, cuius Magistri Celeberrimi, *Krebsius, Mückius, Hoffmann, Reichard, Richter*, me linguis et artibus liberalibus non solum fideliter erudiuerunt, sed et-

XII

iam singulari profecuti sunt fauore. Verba autem plane deficiunt, quibus Clarissimi *Mückii* inprimis celebrem in me beneficia. Is enim fuit, qui me morbis grauiſſimis ſae-
pius ibidem conflictantem, vt pater, ſinu atque gremio ſuo recepit, fouitque; qui me multis tunc temporis fere oppreſſum calamitatibus, ſaepe et pietatis exemplo, et co-
mitate, ipſi propria, et paterna cura atque amore erexit, vitamque ſeruauit; cui quae mihi exhibuit beneficia, nec ego, vnquam, qui vitam, nec mater, quae filium ſer-
vatum ipſi debet, ſed ſolus ſummus bonorum largitor, haud interrupta omnibusque bonis exornata, ipſi conceſſa ſalute remunerare valet. Tum vero ad altiora ſtudia tra-
ctanda me conuertens, Academiam Wittebergenſem anno *CIOIOCCCLXXIV* Rectore *SCHMIDIO* adii, meque ſtudio medico dicaui. Ibi primum ſcholas frequentaui philoſo-
phicas *SCHMIDII* magna cum vtilitate, nec non doctri-
nam morum a Praecellentiffimo *REINHARDO* optimo fautore atque amico meo accepi. In arte medica vero ad-
discenda inſignia ſunt Magnif. *BOEHMERI* in me merita, cui omnem, ſi qua eſt, quam mihi in Anatome, Phyſio-
logia, Botanica, Materia medica comparaui notitiam, nec non diſputandi facultatem, acceptam refero. Patholo-
giam autem, Therapiam generalem et ſpecialem, Chirur-
giam, Artem obſetriciam theoreticam, Medicinam fo-
renſem

rensem denique me docuit Experientissimus LANG-
G V T H, qui et colloquiis et quacunque alia ratione me do-
ctiorem reddere nunquam desit. Nec possum non iustis
extollere laudibus Illustris TRILLERI, Venerabilis Senis
patrocinium atque beneuolentiam. Ita triennio, et quod
excurrit, peracto, Lipsiam me contuli, ciuiumque nu-
mero a Magnifico ERNESTIO Iun. tunc temporis fasces
tenente adscriptus, quae antea secutus eram, castra repe-
tii. Et hic primo loco mihi nominandus venit Excell.
GEHLERVS, qui mihi et Chemiam vniuersam, et artis
obstetriciae partem applicatam, nec non morbos oculo-
rum exposuit, et cuius omnino tot tantaque sunt de me
merita, vt sane ingratiſſimus essem, si vnquam obliuioni
traderem. Nec minor fuit in me beneuolentia atque fa-
vor Fratris Consultissimi GEHLERI, qui me mathesin pu-
ram docuit. In materia medica, arte pharmaceutica, at-
que examinatoriis priuatissimis mihi perutilis fuit Experien-
tissimus LEONHARDI Iun. Sic quoque examinatorio
Exc. KRAVSIJ eiusque de morbis infantum praelectioni-
bus interfuisse, me nunquam poenitebit. Physicam et
Theoreticam et Experimentalem ab Exp. LUDWIGIO
Sen., Historiam naturalem ab Ampliss. LESKIO di-
dici.

XIV

Debeo summis quoque extollere laudibus Gentes ac domos Illustr. *Menkenias*, *Welkias*, *Bornias*, *Platnerias*, *Reinhardias*, quae me quamquam quodammodo peregrinum tam liberaliter exceperunt, tamque innumeris exornarunt beneficiis, ut verba sane desint, quibus debitas ipsis persolvam gratias, animumque spondeam semper obstrictissimum.

Primos in nostra arte honores obtinui mense Febr. huius anni, et paulo post habitis lectionibus pro Licentia *De Menstruis Chemicis*, mense Iulio huius anni examen rigorosum sustinui.

In hoc examine, cum RECTE respondisset, veniam nactus fuit, suam inauguralem Dissertationem *de igne fluiditatis causa*, Moderante Excell. PLATNERO, ex cathedra medica propugnandi.

His omnibus praeclare peractis, postquam omnes officii sui partes expleverit Candidatus noster, ego quoque, officii mei memor, pro ea, qua clementissime atque legitime instructus sum, *Procancellarii* autoritate, ipsum in summos in augurabo honores, plenam ipsi daturus Licentiam, supremum Doctoris in arte medica capiendi gradum. Dictus est huic solennitati proximus *Veneris* dies, XVII. *Septembr.* quam panegyrim ut PRORECTOR ACADEMIAE MAGNIFICVS, COMITES ILLVSTRISSIMI,

SIMI, GRAVISSIMI VTRIVSQUE REIPUBLICAE
PROCERES, nec non GENEROSISSIMI ATQVE
NOBILISSIMI VNIVERSITATIS NOSTRAE LI-
TERARIAE CIVES, honorificentissima atque frequen-
tissima sua praesentia splendidiorem reddere haud grauen-
tur, obseruantissimis atque humanissimis precibus rogo.
Operam dabo sedulo, vt, dum *de medicina practica super
theoretica primatum tenente*, dicturus sum, et breuitate com-
mender, et in publicis persoluendis gratiis, me huius be-
neficii, Ordini meo mihiqve tributi, non immemorem
fuisse praeconem, significem. P. P. Dominica XV. post
Trinit. Fest. A. R. G. MDCCLXXIX.

L I P S I A E

EX OFFICINA LANGENHEMIA.



THE UNIVERSITY OF CHICAGO

LIBRARY

540 EAST 58TH STREET

CHICAGO, ILL. 60637

TEL. 733-4331

1973

1974

1975

1976

1977

1978

1979

1980

1981

1982

1983

1984

1985

1986

1987

1988

1989

1990

1991

1992

1993

1994

1995

1996

1997

1998

1999

2000

2001

2002

2003